



Yebo nesidlakela

Ntombifuthi Ncwayiba

Kamogelo Matlawe





Yebo nebatali bakhe bebahlala ehlatsini.

Endzaweni lefanako, bekuhlala Zim-zim,
sidlakela.

Zim-zim bekadvume ngekutsi udla bantfwana.



Sikwebu, babe waYebo bekangumtingeli.
Nakafika ekhaya, bekamemeta atsi, "Yebo! Yebo!
Wota utongihlangabeta mntfwanami."

Yebo bekatsi kumake wakhe, "Babe uyangibita.
Kufanele ngiyomhlangabeta."

Zim-zim bekakubukela konkhe loko.



Zim-zim wetama kulingisa Sikwebu, “Yebo! Yebo! Wota utongihlangabeta mntfwanami.”

Bekati kutsi livi lakhe belingafanani nelaSikwebu.

“Ngingalishintja kanjani livi lami?” watibuta.



Zim-zim wafuna lusito kumgololo.

“Ngingalishintja njani livi lami lifanane nelemuntfu?” wabuta.


“Shisa lizembe lidzimate libe bovu tju, bese uyaligwinya lonkhe,” umgololo wameluleka.



Zim-zim waya ekhaya wafike wagwinya lizembe
lelishisako.

Ngemuva kwaloko wamemeta watsi, “Yebo!
Yebo! Wota utongihlangabeta mntfwanami.”

Cha! Livi lakhe belingafanani nelivi laSikwebu.
Belilikhulu kakhulu.



Zim-zim abedvumatekile futsi wabuyela kumgololo.

“Kufanele ngenteni kute ngibe nelivi lelincane, lemuntfu?” wabuta.

“Nyalo, shisa lizembe busuku bonkhe bese kutsi ekuseni, uligwinye lonkhe,” kwaphendvula umgololo.




Nasakwentile loko latjelwe kona, Zim-zim wahamba wafike wamemeta, "Yebo! Yebo! Wota utongihlangabeta mntfwanami."

Livi lakhe beselifanana ncamashi nelaSikwebu.

Yebo wagijima waya ngephandle.

Kepha bekungasuye babe wakhe.



Yebo wabona sekwephutile kutsi bekente
liphutsa!

Wetama kugijima abuyele ekhatsi endlini, kepha
Zim-zim wavele wambamba kamelula.


Wetjatsa Yebo shengatsi uphetse lugodvo waya
naye ekhatsi ehlatsini.



Ngemuva kwaloko, Sikwebu wefika ekhaya wamemeta watsi, “Yebo! Yebo! Wota utongihlangabeta mntfwanami.”

Kepha Yebo akazange achamuke. Make wakhe waphendvula watsi, “Angitsi besewuwele umbitile.”

Kwabacacela kutsi umntfwanabo bekatsatfwe nguZim-zim.



Sikwebu watsatsa indvuku yakhe yekutingela waya ehlatsini ayofuna indvodzana yakhe.

Asekhashane, wabona Zim-zim alele zwi eceleni kwemfula. Eceleni kwakhe bekunelisaka lelikhulu.



Sikwebu wanyonyoba wasondzela kuZim-zim.
Nasekasedvute, waphakamisa lendvuku lendze
washaya Zim-zim.

Zim-zim wagcuma avuka ebutfongweni
adidekile wase uyabaleka.

Sikwebu wavula lisaka wakhipha indvodzana
yakhe.



Sikwebu wagaca indvodzana yakhe, ajabulile ngekuphindze ayibone. Yebo wajabula kubona babe wakhe.

Bayekela kucabanga ngaZim-zim babuyela ekhaya.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



World Change Starts with Educated Children

Your attribution should include the following:

Title: Yebo nesidlakela

Author/s: Ntombifuthi Ncwayiba

Translator/s: Simangele Khoza


Illustrator/s: Kamogelo Matlawe

Assurer/s: Mduduzi Benjie Shongwe

Language: Siswati

© Zenex Foundation - Saide 2023

CC BY includes the following elements:

BY  - Credit must be given to the creator

